

più che opportuno il rapportarlo quì distesamente ;
Ut in parvis Regularium Virorum Conventibus, a SS. D. N. Innocentio Papa X. in Constitutione, quæ incipit, Instauranda, primum suppressis, ac deinde, ad ipsius Constitutionis limites, ob rationabiles causas, in pristinum statum regularem restitutis, & ipsis Religionibus denuò concessis, piè ac religiosè vivatur, ac regularia instituta, quo exactius fieri potest, observentur; Sanctitas Sua ex sententia Sacræ Congregationis super Statu Regularium, omnes & singulos Conventus hujusmodi, sic, ut præferatur, restitutos, & concessos, in literis ab eadem Sacra Congregatione expeditis nominatim exprimendos, ac personas, tam regulares, quam seculares, in eis degentes, visitationi, & correctioni, ac omnimodæ jurisdictioni Ordinarii loci, tanquam super hoc à Sede Apostolica Delegati, præsentis decreti tenore, plenè in omnibus subjecit, ac subiectos esse, declaravit, donec ipsorum redditus eoque adaucti fuerint, ut in eis commodè sustentari valeant, & cum effectu sustententur, duodecim Religiosi, ad apostolicorum decretorum præscriptum; idque eidem Sacræ Congregationi legitime constiterit, & ejus decreto in singulis contingentibus casibus declaratum fuerit, & non aliter.

Interea verò voluit Sanctitas Sua, ut in eorum singulis, ali debeant, & re ipsa alantur, sex saltem Religiosi probata vite, ex quibus quatuor adminus sint Sacerdotes mature ætatis; alioquin gratia restitutionis, & concessionis hujusmodi, nulla sit, & invalida, & Ordinarii locorum in illis exequi possint, ac debeant ea omnia, quæ in aliis Conventibus itidem suppressis per eandem Constitutionem demandantur, perinde ac si gratia prædicta restitutionis, & concessionis, non emanasset.

Insuper, quia multi sunt Conventus, in quibus, & si præ-